

四庫全書

集部

欽定四庫全書

淦水集卷五

金 趙秉文 撰

古詩

題趙琳畫東坡石上以杖橫膝扇頭二首

廟堂竟何人此老乃石上盤礴萬古曾入此一藤杖擊
去荆舒蠻扶來司馬相君看熊虎顏百獸不敢傍

其二

東坡謫嶺南一笑六根靜食骨不棄餘又使羣狗競手

中果何物乃是照邪鏡爾曹何足容以杖叩其脛

擬陶和許至忠二首

西日頽殘照北風凜寒威侏儻飽欲死幽人獨無衣不
上北闕書甘採西山薇曾子已再化寧遽早知非豈不
樂仕宦恐與心事違柴桑舊三徑吾行其庶幾尚憐淵
明翁頗負責子譏隱几茅簷下聊欲曝斜暉

又

歸田有何樂佳處正在茲閑與老農語夜雨深一犁行

年近六秩悠悠復何之有田足我食有布成我衣富于
黔婁生樂于榮啓期妻子慍見言一點不上眉吾師有
遺訓貧賤不能移

題牧牛扇頭

一牛顧其犢一牛軒尻厓旁有牧犢子窺巢攀樹枝嗟
爾有餉具不念鴉鵲飢烏鴉各天性飛來護其兒汝親
亦念汝而人獨不知不如兩相忘人禽相娛嬉

東籬采菊圖

淵明初亦仕迹留心已遠雅志懷林淵高情邈雲漢妖
狐伺晝昏獨鶴驚夜半平生忠義心回作松菊伴東籬
把一枝意豈在酒醺不見白衣來目送南山鴈澹然忘
言說聊付一笑粲

贈眼醫

和扁不並世世豈無良醫今代王彥若恨无東坡詩大
弨臥壯士積熱下腦脂神鍼運斤風此妙人得知君言
吾有道神視了不疑擘山瀟河流破壁取蛟螭聖道如

日月浮雲時翳之誰為補天手刮膜施金篦韓孟不可作此藝真吾師

釣篷

舩篷無可載意釣不在魚此身真襤褸萬事一蘆條無載不載沉無魚安足餌落水是非波臨軒聊洗耳

聽雨軒

無田妻啼飢有田稻蟠泥等為飢所驅貧富亦兩齊雨中牕下眠牕外芭蕉語置書且安眠催租吏如雨

擬東坡謫居三適

旦起嚙日

老人畏朝寒常恨為物役
爬搔未云已簡書催我出
爾來先朝參晨起喜見日
王事有期程安能待千息
披衣向東方聊復效龜吸
漸漸肢體柔谷谷真氣入
少焉肝腸暖陽和通百脈
吾年六袞餘前路那可必
未來不吾預已逝安容惜
及此未病間聊冀一溉益

午牕曝背

清晨了公事及午身得閑南榮有晴日曝背于其間稍
稍陽光舒漸漸和氣還時攜一冊書眼花紛爛斑倦即
枕書臥散盡腰脚頑清于三杯餘甜勝一味跼人間有
此適不憂天公慳世人慕暖熱肉屏醉雲鬢雖得一餉
樂憂喜常相關痴兒亦笑我市中有樵山

夜臥坑暖

京師苦寒歲桂玉不易求斗粟換束薪掉臂不肯酬日
糴五升米未有旦夕憂近山富黑瑩百金不難謀地坑

規玲瓏火穴通深幽長舒兩脚睡暖律初回鄒門前三
尺雪鼻息方勦勦田家燒柶柵濕烟泣泪流渾家身上
衣炙背曉未休誰能獻此術助汝當衾裯

倣聖俞月出斷岬口二首

未伏暑尚在雨點落未落夢覺起視夜缺月掛屋角

其二

殘星橫斜河晨雞號天風幽人牕中眠紗厨明秋空

長白山行

長白山雄天北極白衣仙人常出沒玉龍垂爪落蒼崖
四江飛下天紳白匹馬渡江龍飛天雲起侯王化千百
至今甲第多屬籍時清毬馬爭馳突錦韉貂帽獵春風
五陵豪氣何飄忽前年胡騎瞰中原准擬長城如削鉄
君家兄弟真連壁曾中十萬森戈戟向曾論事天子前
漢庭諸公動顏色心知不易一囚命顧肯貪功事無益
西南方面應時須帝曰來前无汝易從來十益不補損
三輔蕭條半荆棘瘦妻曳杷女扶犁唯恐官軍闕糧給

嗚呼瘡痍尚未復且願休兵養民力老夫謬忝春官伯
白首書生不經國佇公功成歸廟堂再獻中興二三策

渡水僧二首

落日前溪度鐘聲隔岬聞秋水深可涉挽衣踏行雲行
雲忽破碎波動生魚鱗化為百千我何者為我身此身
尚非我况復影中人畫師畫具眼了此起滅因三生祠
下夢一笑語前塵

又

一僧亢中流杖笠行相隨波紋生足指照影光瀾瀾一
僧到彼岸前引如導師腰間兩不偕身外一伽黎一僧
方欲涉結帶如有思前山鳥飛夕後山雲起時君看眉
頰間中有摩詰詩

時雨

時雨美胥莘公也公以行臺移鎮平陽鄰畏其威民
懷其德焉

天降時雨山川出雲天相休運是生世臣維我世臣乃

國于莘天子命之牧爾邦民北風喈喈雨雪霏霏嗟我
晉人而瘡而痍吹之吻之摩之拊之于燠其寒于飽其
飢既瘳既夷不嘖以嘻孰為豺虎載柵載壘孰為蟲賊
載芟載理無擾我鄉我鄉我里無伐我桑我桑我梓遠
夷駢矣我民休矣公在在堂如春斯溫激矢在壺折衝
于樽民安于塵兵安于屯公在在堂錦衣繡裳敝予改
為斯民不忘公在在堂繡裳錦衣我民之思無以公歸

皇武

皇武命平章公移鎮陝右也

皇奮厥武如雷如霆獷彼遠夷載震載驚帝命相臣蘇
我疲氓維時莘公展也大成公自平陽移鎮于秦世皆
謂公在處陽春公在在秦有年無兵世皆謂公斯民德
星維此二方不寧不令帥臣議征發言盈廷公奏累上
如山不傾世皆謂公漢之營平既完三輔復保五城以
迄于今夏人請盟維將盡能維公竭誠公拜稽首天子
之明我公歸矣我民思矣詔公復起周邦咸喜願公百

年以佐天子罔俾樊侯于周專美

鄭子產廟

晉楚更霸爭雄尊勢如兩虎挾一豚玉帛事楚方南轅
晉師已及國北門鄭有人焉國無小晉楚雖大談笑了
臨風三嘆酹清樽注目蒼陂望高鳥

過湖城

暮行潼關道百里蒼山昏勢斷忽平野大河東南奔我
行屬冬季風雪浩以繁玄雲結層陰狐貉不得溫豈不

念白首出使萬里番惜彼守凍者據鞍復何言

過閬鄉

秦關百二天下壯百萬雄師未能傍函關未了又潼關
潼關之敗何等閒九齡斥逐姚宋死邊將邀功從此始
今年西屠石堡城明年又起漁陽兵朝廷欲藉邊將重
不覺胡離心暗動祿山前死未可知雖有漁陽突騎將
奚為自古明王重用武莫笑書生陳腐語

含元殿

秦山從此來宮殿何巍巍含元遺址在下建十丈旂當
昔休明日軒陛朝諸夷一旦人事改翻坐牧羊兒譬如
元氣衰百疾攻四肢陵夷更五代興亡如奕碁塵埋梨
園骨火燒花萼碑寢殿通樵徑宮牆插酒旗至今明月
夜石馬空聞嘶蒼天不可問渭水空自馳誰為後來者
應與此心期

過乾陵

乾陵故梁山也舊有栢萬株亡矣有石蕃
王像來朝者六十四至今猶存下有章懷

太子墓

曉日上乾陵乾陵何巍巍前瞻對雙闕上有十丈碑左
右蕃夷像想見朝貢時一坏土未乾衮服易禕衣好還
雖天道剪伐盡本支淒涼廬陵謫慷慨黃臺辭賴有狄
相國取日洗咸池母后盜國鼎呂氏非薄姬中睿乃其
子天幸亦其宜驪山三日火見笑牧羊兒如何陵上栢
獨有神護持千秋百歲後魂魄復來茲故山草木楮應
悔復辟遲天回西日照歲暮北風吹南登樂遊園默誦
昭陵詩

發棗社

夜發棗社驛寨帷見明月月照斷崖冰風吹陰磴雪山
重復峻嶺十步九盤折兩崖夾深澗綫路僅容輶縋車
下百尺輾輓聲未絕坡陀到平地稍喜見雉堞隔城聞
鐘鼓星斗何厯厯故人相勞苦杯酒慰行役夜闌秉明
燭相對恍如失

過寧州

季冬落日黃霜雪原野白驅車上峻坂十步百夫力我

行未半嶺回視但木末白雲在高頂可望不可及北風
摧去翼孤烟帶遠客居人候征騎倦僕望前驛蒼皇下
坡陀張燈已昏黑

游華山寄元裕之

我從秦川來歷遍終南遊暮行華陰道清快明雙眸東
風一夜翻作惡塵埃咫尺迷巖幽山神戲人亦薄相一
杯未盡陰靈收但見兩岸巨壁列劍戟流泉夾道鳴琳
瑯希夷石室綠蘿合金僊鶴駕空悠悠石門劃斷一峯

出婆娑石上為遲留上方可望不可到崖傾路絕令人
愁十盤九折羊角上青柯平上得少休三峯壁立五千
仞其下無址旁無儔巨靈仙掌在霄漢銀河飛下青雲
頭或云奇勝最高頂脚力未易供冥搜蒼龍嶺瘦苔蘚
滑嵌空石磴誰雕鏤每憐風自四山而下不見底惟聞
松聲萬壑寒颼颼捫參歷井上絕頂下視塵世區中囚
酒酣蒼茫瞰無際塊視五嶽芥九州南望漢中山簪如
碧玉抽况復秦宮與漢闕飄然聚散風中漚上有明星

玉女之洞天二十八宿環且周又有千歲之玉蓮花開
十丈藕如舟五鬣不朽之長松流膏入地盤蛟虬採根
食實可羽化方瞳綠髮三千秋時聞笙簫明月夜芝輶
羽蓋來瀛洲乾坤不老青山色日月萬古無停輶君且
為我挽迴六龍轡我亦為君倒却黃河流終期汗漫遊
八表乘風更覓元丹

傲淵明自廣

天地有常度日月有常數有生則有死如朝必有暮來

者不可却去者那容駐但喜故歲新新年行復故故交
零落盡世豈能久住年衰性自忘所以語多誤況復眼
半昏文字宜少戲前路那可知正宜委運去辛苦古稀
年无復更多慮

和淵明飲酒二十首

翩翩萬里鶴日暮將何之昏鴉擇所安笑汝不知時孔
席不暇暖此理吾何疑尚愧淵明翁濁酒時一持

又

少長慕富貴老大思邱山一為妻子累不肯踐斯言誤
落塵網中黽勉四十年吾衰有兒子門戶幸可傳漆園
去我久舉世少真情晉宋多名流惜哉亦虛名浮虛忘
軒冕踰檢稱達生淵明初亦仕不為寵辱驚笑彼夸毗
子空誤竟何成

又

貧賤豈不苦仰慕冥鴻飛富貴豈不樂乃有黃犬悲苦
樂各異趣嗜好從所依我欲作九原獨與淵明歸掛冠

不待年況此齒髮衰遙酌一杯酒毋使寸心違

又

琳宮雜鼃黽頗厭鼓吹喧既久少人事却愛幽居偏南
軒有奇趣雲峯可當山一雨溪水漲稍稍魚鳥還我亦
樂其樂可為靜者言

又

好醜無定在當時者為是彌子當寵時安知後來毀世
道每如斯吾生幸不爾舉世尚五弦安事矜綠綺

又

少年喜草書臨池學伯英縱橫學造化如見萬物情墨
濡四溟窄筆落三山傾年來頗自笑惜哉以技鳴白首
竟無得俯仰愧此生

又

秋菊有至性霜松無俗姿采采黃金花笑撫蒼烟枝偶
有杯中物成此一段奇白雲南山來出岫復何為醉卧
東軒下聊脫人間羈

又

今日好天氣清晨雪雲開東風如故人適我平生懷忽
見南來燕孤雌與雄乖暮歸主人堂梁間已雙栖巢仰
覆其子又補新巢泥翩翩隨陽鴈幽真苦難諧江湖偶
相失咫尺雲路迷哀哀霜雪際獨向胡天迴

又

鵲鳥閉籠中舉翮觸四隅騏驥駕鹽車跼促困中途一
朝遭識拔未免為人驅旁觀洵美矣自嫌良有餘不如

兩無累還我田園居

又

千載淵明翁誰謂不知道閑賦責子詩調戲乃娛老杜陵蓋自況亦豈恨枯槁壺觴清濁共適意無醜好歸來五柳宅守我不貪寶長嘯天地間獨立萬物表

又

憶昔告歸老方屬耆指時眼昏頭半白誓將從此辭幾年不得謝因循到今茲耳聾左目盲決去吾何疑君恩

雖云重竊祿良自欺乘流且復遊過坎將安之

又

昔我謝事時曾造老衲境謂言方閑去如醉不得醒至
要無多言退步心自領一朝桶底脫露出囊中穎有如
閨室中照耀賴燭炳

又

嚴風大澤枯霰雪寒威至此時陶彭澤相與父老醉醉
不必相扶顛倒無倫次處世貴無名不知斯我貴斯人

今則亡三嘆有餘味

又

憶我淦水陽經營五畝宅脩竹幾萬竿今為狐兔迹相
逢問鄉舊里巷不盈百艱難驚獨在髣髴已白一醉
齊彭殤母為空歎息

又

幽居澹無事雅志了玄經眼花憎文字悠悠竟無成中
夜起無寐披衣守寒更梅竹散清影素月流廣庭孤鶴

悶逸響切切寒蟲鳴撫卷長歎息慷慨惻中情

又

淵明雖不仕愛此北窗風曲肱枕書臥樂亦在其中時
持一杯酒賴此齊窮通大笑杯中蛇晚矣悟雕弓

又

漢儒傳注學未為無所得秦火少完書豈免焉惑後
儒補罅漏聖道稍閉塞俗士喜操戈又一秦相國且共
歡一觴多言不如默

又

昔我平生友，戡冠及偕仕。居官不避事，力學固為已。非
無濟時策，壟斷亦云恥。行年未六十，賁志沒蒿里。蹇予
隨朝班，星霜幾四紀。譬如遠行客，日暮尋所止。養志歸
田廬，晚節猶可恃。

又

淵明非嗜酒，愛此醉中真。謂言忘憂物，中有太古淳。回
首市朝中，萬事牛毛新。去年持使節，悠悠過西秦。宮闕

隨飛烟衣冠化埃塵當時憑軾士慷慨嗟徒勤所以山林客樂與魚鳥親西登太華頂曠望長河津寄謝三峯雲聊欲濫吾巾誓將從此去笑謝當途人

擬和韋蘇州二十首

和西澗

雨荒竹逕草叢生樹隔前溪一犢鳴步尋幽澗疑無路忽有人家略約橫

和烟際鐘

近壑歛暝色遠山猶夕暉
聲從烟際起復向烟中微
隨風散林野渡頭人未歸

和西塞山龍門

雙闕聳岩堯神斧忽中斷
一水從中來千龕道旁滿

和山耕叟

步逐麋鹿迹詎知朝市情
負薪南澗曲荆棘雨中行
呼兒問牛飽又向山田耕

和上方僧

石潤雲生衲崖傾月照禪曦衣橫竹錫洗鉢落巖泉但
見山花發幽居不記年

擬詠夜

明從闇中去闇從明際來流光不待曉闇盡玉燼灰

擬詠聲

萬籟靜中起猶是生滅因隱几以眼聽非根亦非塵

和寄全椒道士

潘清容自鄆移樓觀
與中條喬象之同居

新移白閣峰遠訪中條客結茅授經臺共坐雲間石松

龕讀易朝月牕談道夕從此到終身區中了無迹

和遊溪

清溪霧氣散水涵天影空白雲翻著底移舟明鏡中鳥
近前灘日花移別岼風遙知夜未雨山色翠如葱

和秋齋獨宿

冷暈侵殘燭雨聲在溪竹驚鳥時一鳴寒枝不成宿

和聽嘉陵江水聲代深師答

驚湍瀉石崖百步無人跡愛此喧中靜聊布安禪席水

无激石意云何轉雷聲仁者自生聽達士了不驚心空
境自寂澹然兩無情

和演師西齋

不見竹間僧但聞花外磬敲檻出魚遊巢簷知鳥性雲
蒸坐禪石露濕行道逕夜寂一燈殘山月來破暝

和遊開元精舍

松軒風掃靜終日閉門居犬臥青苔地鳥銜紅柿初瓶
殘夜禪起經潤雨翻餘自是少人迹非關來往疎

和會中山道士

行轉青溪又別峰馬蹄終日認樵蹤翠微深處无人住
寺在深山何處鐘

和西樓

十去龍沙雁年年九不歸烟塵猶未息莫近塞雲飛

和瑯琊寺

萬壽寺

茲寺廢已久經構昔未遑一朝煥金碧煌煌耀東峒文
母開大施天厨來衆香縈回轉佛閣窈窕闕禪房平地

俯歸鳥高齋在上方宿雲不歸山野水自成塘道人如
水鏡見者心清涼理勝是非遺慮澹形蹟忘歸鞵惜清
境佇立暮天蒼

擬漠漠來帆重冥冥去鳥遲

薄暮瀟瀟雨何人獨倚欄濛濛山氣重澹澹水紋寒草
際光猶泣松梢滴未乾燈前未歸客無夢到長安

擬何時風雨夜復此對床眠

幽居少人事有客來不速爐內火正紅尊中酒新綠高

齋始聞鴈隔窗時動竹何當風雪夜抱被還同宿

擬綠陰生畫寂孤花表春餘

了無車馬迹終日掩禪闕不下溪頭路坐看簷際山好
鳥破午寂幽花澹春閑簪組方為累來遊不知還

擬兵衛森畫戟燕寢凝清香

冠帶事朝謁清坐彈鳴琴以彼塵外趣遠我遺世心岸
幘送歸鳥隱几見遙岑聊得靜者樂豈必居山林

送麻徵君知幾

丹山五色鳳一舉眇天隅文采瑞聖世不為竹與梧渥
洼汗血種逸氣凌九區可見不可繫白璧誰敢沽夫君
號神童七歲能草書二十上詞賦下筆凌紫虛三十富
經學兩魁天下儒娥眉衆語嫉反畏知名譽一朝相捨
去顧以道自娛閑觀養性書洞究先天圖姓名聞天朝
相公借吹噓左丞薦從容拜恩命移疾還里閭諸公惜其
去乞留侍玉除掉頭不肯住一飯吾豈無君看澤中雉
飲啄良自如一旦畜樊中意氣慘不舒又如田間牛騰

擲適有餘被之以文繡顧影反踟躕君恩豈不重力疾
須人扶旁觀信美矣違已非病歟不如本無累還我田
園居喜君節獨高知君功名跡可以激頽俗可以勵貪
夫異時高士傳名與西山俱

飲馬長城窟行

飲馬長城窟泉腥馬不食長城城下多亂泉多年冷浸
征人骨單于吹落關山月茫茫原上沙如雪十去征夫
九不回一望沙場心斷絕胡人以殺戮為耕作黃河不

盡生人血木波部落半蕭條羗婦翻為胡地妾聖皇震
怒下天兵天弧夜射旄頭滅九州復禹跡萬里還耕桑
但願猛士守四方更築長城萬里長

猛虎行

猛虎在深山一怒風林披朝食千牛羊暮食千熊羆虎
暴尚可制人還寢其皮旄頭飛精光落地為積屍焚山
赭草木血陸成汚池萬靈泣上訴生民將何為帝怒勅
六丁雷電下取之埋魂九地底壓以泰山坻然後天下

人頗得伸其眉寄言顛越者毋俾育種遺

倣老杜無家

弟妹他鄉隔無家問死生兵戈塵共暗江漢月偏清落
日黃牛峽秋風白帝城中原消息斷何處是秦京

倣劉長卿出塞二首

上山搖白旗下馬駐旌麾虜騎數重合漢人三日圍天
寒短兵接日暮戰聲徹萬里天山北招魂葬不歸

又

初從召募軍麾下點行頻衣上兩行泪燈前萬里身鼓
聲青海振戰骨黑山塵落日邊風起蕭蕭愁殺人

楊妃墓

灼灼陌上花青青路旁草人心任榮悴過眼無醜好馬
嵬三尺墳西出劍門道如何傾國顏傷心不同老

李夫人墓

夫人臨訣時掩面羞人主空餘返魂香默默不得語千
秋百歲後粉黛化為土一笑不成妍春風花自舞

延安滋戒師余初主安塞堡簿時相識也今戊子
歲春被命作醮平涼偶得相會以四十三年之
舊故集句以贈

五城何迢迢

杜

關河茫茫隔波浪

許表民

與君別來今幾

時

盧全

翰林白髮三千丈

王琪

形容變盡語音存

東坡

閒思往

事似前身

白樂天

四十三年如電抹

東坡

欲談前事恐無人

由子龐眉皓首無佳著

杜

臂上念珠如皎日

唐僧

架上楞嚴

已不看

東坡

更看腳根參一節

山谷

人生何處不相逢

丁冠

猶

恐相逢是夢中

晏叔原


同是行人更分首

山谷

明朝車馬各

西東

歐陽



淦水集卷五

欽定四庫全書

集部
澄水集卷六

詳校官中書臣沈颺

主事臣呂雲棟覆勘

覆校官中書臣呂雲棟

校對官助教臣汪錫魁

謄錄監生臣黃佑

欽定四庫全書

淦水集卷六

金趙秉文撰

律詩

塞上四首

窮邊四十里野戶兩三家山腹過雲影波光戰日華汲
泉尋澗曲樵路入雲斜隨分坡田罷還簪野草花

又

因尋射鵰壘偶到殺狐川鹵地牛羊瘦邊沙草木羶廢

城餘井回古戍斷烽烟自說無征戰經今六十年

又

薄宦邊城裏經年無客過一川平地少四面亂山多野
色連秋塞邊聲入暮河舊貂寒更薄飄寄欲如何

又

樹靄連山郭林煙接塞垣斷崖懸屋勢漲水沒沙痕烽
火雲間戍牛羊嶺外村太平閑檄手文字付清罇

寒夜

歲晏寒無那夜深清欲飢竹風驚夢斷雪意聽牕知稍
稍鵲翻樹蕭蕭人語籬虛明滿吾室何許月來時

三山渡口

春水三山渡斜陽八字堤河淤樹身短沙截草痕齊地
納黃流大天啣浚澤低故人不我見愁思使人迷

西陵

藹藹西陵樹蕭條歌吹聲客愁連斷鴈地古更荒城山
色嬌新雨河流怒不平浮雲臺上起不盡古今情

栢人光武廟

真人開有漢帝業肇蕪蕪洒落君臣契艱危廟社圖山
川扶鄩邑日月拱東都社稷千秋里風雲四達衢北風
吹雨雪西日照桑榆舊物餘翁仲荒祠老祝巫功臣遺
像在時有鼠銜鬚

正覺院

西日轉廊腰踈鐘送寂寥壞牆緣苦竹破屋上凌霄白
髮知僧臘青燈更客宵葉聲風外盡窗雨續蕭蕭

開元寺

歲晏開元寺槐華落石龍僧瓶深碧甃蝸壁篆金容牕
影年年塢禽棲夜夜鐘平生睡秋雨竹閣味偏濃

散策

解鞵成小憩散策遂幽欣偶拂水邊石坐看崑上雲桑
麻深畏景水竹淡斜曛興寄方自得清涼誰與分

陸渾

言從陸渾去不遇紫芝還鳥飛不盡處夕陽千萬山雲

起動兼靜水流忙更閑坐待石上月滅沒烟嵐間

梁園中秋

今夜梁園月相逢照一尊他時千里共此會幾人存老
我追隨盡憐渠笑語溫不眠瞻玉兔終夕露荷翻

梅和尚節使輓詞二首

鏖戰羣奔外申威一呼間功名歸死事義勇鄙生還矢
向胡天盡弓猶漢月彎君王思戰苦起塚象天山

又

走卒知虎將兒童說義州甘心輕白羽苦戰脫兜牟援
絕揮戈地創餘振臂秋英魂知不泯結草抗邦讐

溫妃挽詞二首

白日森容衛青春忽夜臺鼎湖龍已去裸館燕空迴仙
駕隨天遠粧奩惻聖哀祇應彤史上遺采不塵埃

又

容衛三春肅如何一旦殊妃星淪紫極帝子眇蒼梧卜
地陪長樂升天後鼎湖皇情何以慰彤管載嬪虞

和 西溪思歸

好在西溪隱人今白玉堂興來看畫本夢去拂詩牆舊
竹多年合新松幾許長從渠黃石老獨占白雲鄉

獄中

處順初無累安時故不憂敢違身後慮甘向死前休有
姊如工部無兒似鄧攸悠悠天地意還許望松楸

徙倚

徙倚秋原上長吟動所思草荒天馬瘦日落野鷹飢多

病親朋改中年齒髮衰功名付公等才力況明時

寒食遙奠西山寺二首

榆中草色無春水稍漸車野祭一盂飯鄉愁千里餘年
年寒食客日日故園踈莫訝交親絕嵇康懶寄書

又

年來百事廢漸與世情踈案上一杯酒床頭幾冊書春
風疑混沌水月似空虛頃刻翻晴晦吾心久澹如

赴寧化宿王道

山屋如鷄柵才容卸馬鞍風吹四山雪月照一川寒不敢侵星起惟愁上嶺難中宵問前路安枕若為安

觀音院

棟宇懸崖上風烟勝槩中塞通汾渚月清帶雪山風茗水垂瓶得碁燈鑿牖通仍聞馬頭寺別業亂山叢

北垞

驅馬北垞上山光澹復深夕嵐無遠近返照有晴陰泉落莓苔石風光松櫟林悠然成獨酌啼鳥是知音

蘆芽山

荷葉平初盡蘆芽勢漸分
朝來知宿雨谷底見歸雲
日上松猶滴風來草自薰
臨溪歸路險萬筏下河汾

荷葉平

平生慣山水見之如等閒
竭來驚老眼何處無名山
崑崙千峰外蒼茫一雨間
山神應解事為我洗孱顏

管州道中

龜手酸風裏寒多酒不勝
馬號山店雪人迹斷橋冰瘦

骨成山字霜髯作戟稜綠牕三丈日政爾夢騰騰

代郡張氏瑞栢堂

鬱鬱何年植盤盤兀老蒼文章深篆籀忠義抱風霜子
舍占烏鵲孫枝托鳳凰主人廊廟具會見拂雲長

謁北嶽

四大神儀一羣山太茂尊奠方荒冀宅視禮配天孫西
送虞淵暮東瞻碣石瞰寶符臨代郡巨鎮挹并門控趙
襟形壯包燕氣象渾九河探禹跡萬里叫虞魂在昔登

封始初無羽衛繁千官駟部曲萬騎隘山樊卜地恒陽

曲移祠泰始元

晉移祠
曲陽

荒碑刊歲月飛石碣乾坤秩

加黃屋宮居象紫垣雪楣朽芝瑞雨砌裂槐根天業恢
弘敞山靈翊衛屯巫閭歸帝制長白發金源九廟龍盤
接三邦地勢吞雲烟浮近甸日月遶中原款謁天香重
封題御署存銀鐸諸產富雷雨萬靈奔神聽羞回德天
聰納正言負時身九死去國淚雙痕日近趨天闕生還
記聖恩許身空稷契無術補羲軒帝錄長山洞仙巖張

果村卜居如可近重整此山轅

過黃崖二首

患難驚身在龍鍾感歲新山川愁倦鳥歲月老行人落
日黃崖古東風白霄春傷心潢水北無乃久風塵

又

落日逢人恐深秋動旅懷乳鷹家碧嶂飢虎吼黃崖此
道將何適吾生尚未諧傷心墟落裏犬舐有殘骸

桃花島回寄王伯宜

水破村橋擁春寒旅鴈低遠山封霧小高浪與雲齊
島寺明松雪潮船濺藕泥詩情吟不盡寄語畫中題

咸平道中

道壞綠岡遠村流自作塘夕陽開野色秋水納山光
雨住林逾黑鳥歸天更蒼冥搜無好句淡墨寫微茫

慶雲道中

對岸青山隔孤城碧浪開綠蕪天際合白鳥日邊迴
渡口呼舟急沙頭立馬催夕烟生極浦欲上客衣來

中秋金河感懷

金山今夜月遼水一尊同鴈影不復北馬蹄猶向東山
川新戰血宇宙舊飄蓬擾擾余生事愁來醉眼中

登巢雲樓

烽火三年戍沙沱幾戰場自予甘薄宦與子各殊方寒
木錮春色高樓傾夕陽如聞洗兵馬失喜問臨潢

和陽子元二首

紅葉如人老黃花與世疎物華行婉晚天宇迥澄虛山

作屏風畫鴈成人字書相逢一杯酒秋興各何如

又

小雨班班落庭槐
槭槭踈秋涵山骨
冷天入水痕虛多
病難忘酒窮愁強
著書深慚靈感老
時復問何如

松下獨酌

行人隱微逕古寺帶平崗
山勢依城斷河流入野長
樹欹枝壞道草臥壓頽牆
獨酌無人共松風薦一觴

松山道中

松漠三百里飄然一日中山長雲不斷地迥雪無窮遠
嶺貪殘照深林貯晚風烟村一回首獨鶴下晴空

疊翠巘三首

枯枿似黔突斷崖如削瓜林深自風雨地古更烟霞脚
力行將盡雲山殊未涯試窮千里目直北際龍沙

又

飛身清曠外著眼有無間崖斷疑無地雲開更有山鳥
隨天影沒人自日邊還歸夢扶清境詩情不得閒

又

帳殿臨青嶂蒼崖縋翠煙孤根盤厚地秀色入蒼天井
有四時雪巖垂萬古泉皇情非暇豫問俗到山川

陪李舜咨登憫忠寺閣

日月纏雙栢風烟納寸眸雲山浮近甸宇宙有高樓鳥
外餘殘照天邊更去舟登臨有如此況接李膺遊

宿崔家庄

野次寒山外人家霽雨中飢鴉蹲落照危葉顫西風墻

缺青山補橋欹白水通豐年聞好語倚杖問衰翁

過滹水

夕陽山豁處平照大河流漠漠雲間樹悠悠天際舟黃
塵隨匹馬白水自雙鷗會得閑中趣浮生半白頭

通許道中

南征

曉逐三軍發清寒苦不禁征驂過野店寒犬出疎林宿
火留行客霜枝滑凍禽據鞍閑覓句愁些不成吟

廬州城下

月暈曉圍城風高夜斫營角聲寒水動弓勢斷鴻驚利
鏃穿吳甲長戈斷楚纓回看經戰處慘淡暮烟生

章宗輓詞

鳳紀三千歲龍飛二十年竟辭徽號冊空頌栢梁篇授
聖金縢起遺言玉几宜建平何苦識雨泣戴仁天

暮春

自嗟中歲在不與暮春宜非復歡娛地其如老大時百
年歸覽鏡萬事入支頤此意無人會陶情一賦詩

汝甕酒尊

秘色創尊形中泓貯醪醴縮肩潛螭蟠腹漲青寧巧
琢晴嵐古圓嗟碧玉熒銀杯猶羽化風雨慎緘局

湧雲樓雨

滿地江湖夢連陰晦朔秋雨中山似醉風外浪如愁眼
病憎黃卷心安任白頭明年一官滿誰復話登樓

窮愁二首

乍喜三庚伏還驚一葉涼窮愁天色少睡思雨聲長掩

卷悲興替懷人問在亡平生庾開府詩興未能忘

又

何處新秋好飄蕭意欲仙乍涼新雨後欲曙未明前
影蛩吟壑松梢鶴唳莧物情無好醜適意各天然

和潘師韻

睽離三十載重此叩玄微日月雙蓬鬢乾坤一布衣
月明渦水宿秋老華峰歸不得陪仙馭浮生有是非

和政老九日韻

數日閉齋卧體中殊不佳那知是重九但喜見黃花矯
首懷天末携壺傍水涯琳宮題壁處醉墨字欹斜

贈茅先生

二室神仙宅三茅道士家野人遺竹簾

劉仙編竹簾以結公朝夕

弟

子掃松花有道能擒虎無心任踐蛇天平有陳迹吾欲

老烟霞

去歲兵至公庵公了無懼色兵亦不敢害

大雪二首

大雪無朝暮衰年見未曾園林春浩蕩川岳氣憑陵雲

操天應漏陽微井欲冰欲尋安道舍何處一龕燈

又

大雪欲平簷黃昏氣轉嚴天邊迷草樹雲外失烏蟾天
意平高下人情有愛嫌抱貪酬桂玉樓上醉厭厭

雪霽

黃雲霽雪威寒日淡暉暉雨砌晴先滴風簷落更飛侵
凌池面瘦擁腫樹身肥長憶廬陵老憂時詠鐵衣

十月菊得深字

地偏開較晚風勁可能禁雨漬金英淺寒添紫暈深抱
叢無晚蝶窺蕊有貞禽留待飄零後梅花約重尋

白鴈

波靜影逾白霜清唳更哀乾坤雙鬢老風雪一聲來林
迥隱猶見天長去復迴物情嫌太潔莫使羽毛摧

雪

朔雲連鄭圃飛雪滿梁園猛勢池心滅清聲竹外繁飢
鴉寒啄樹敗屨踵臨門何以娛佳客開軒對一尊

野菊

離離崑下菊無主
混蓬茅路斷秋光隔
山明水影交
荒叢鳴蟋蟀
寒葉掛蠨蛸
擬訪陶廬飲
柴扉何處敲

嶽觀

步屨方壇上行吟
避草芽簾聲風拂燕
池影柳蹲鴉
天入濛濛雨
春歸淡淡花
遊春心未老
墻外度香車

秋雨

天邊認遙電
雲際尚殘陽
雨脚夜深白
濤頭曉霽黃
沙

邊明鴈影林外見山光擬盡登高興秋懷祇自傷

手搗樺皮彈琴圖

何人聊幻巧袖裏出毫端道眼無二見心齋廢六官煩
君無耳聽寓我非指彈攬却伯牙手秋風萬籟寒

蚤出新安

夜宿新安驛平明雪塞礮馬頭迷舊路虎跡印新蹄冰
凍寒流峽天啣遠路低人稀山店遠茅屋只聞雞

明惠皇后挽歌詞四十首

皇明齊月象厚德配坤元惻怛憂民意勤勞毓聖恩國
風悲卷耳星緯暗軒轅喪妣人心痛哀號望寢園

又

威儀文物備祖載出敢塗薄葬追三代嚴禋致九虞仁
恩遺鳳詔功德載龜趺左右重興業詩書讚永圖

又

太極齊元始三光並照臨勤勞憂國念惻怛愛民心玄
鳥歌殷母思齋詠太任兩朝難儷美萬古播徽音

又

階萸凋葉盡宮漏滴聲殘玉几俄遺訓龍樓罷問安雲
容愁慘戚風色動悲酸萬古餘功德煌煌玉冊寒

又

疇昔占蟲夢今來嘆鳳飛漢宮胎內則文母謝芳徽永
臥重泉夜空餘大練衣魏郊寧久駐會有德陵歸

又

阿母瑤池去應歸海上峯寶奩空有象練幄靜無踪孝

享嚴三廟興儀脩九龍獻陵今密邇揮淚灑楸松

又

聖德高千古慈闈十萬春地維傷絕紀月彩忽韜輪應
物歸先識憂民感至仁神儀雖已閔遺範不埃塵

又

應符稱太母行慶廣金源衣練蠲重彩躬蠶屈至尊賜
冰防病暍恤獄恐民冤孝意遵遺訓詞臣嘆永言

又

葛覃歌節用卷耳頌求賢遽厭人間世還為物外仙會
觀羞泉路無復夢捫天玉座虛長樂依然夜月懸

又

謙抑傳家法寬仁沃帝聰禮崇光教塲時奉孝嚴宮皂
隸恩皆及嬪嬙愛悉同堯階花泣露應是怨西風

又

慶源鐘馬鄧何止活千人陰化行中壺私權抑外親鳳
輿歸厚夜蠶館閉長春蕭寺諸嬪御能忘賜膳頻

又

方享東朝奉俄幾甲子還玉梳音窅窅彤管事班班陵
寢音容悶蓬萊日月閑丁憂遺詔在恩澤滿人間

又

式屬多難際方承長樂歡霜飛金殿冷月沒桂宮寒雨
泣愁雲慘風悲薤露殘南山為樂石遺美豈能刊

又

一紀坤儀正千齡母範彰徽音齊太如厚德配娥皇衣

練昭純儉因山戒厚藏傷心彤史上千古播遺芳

又

緱氏傳仙裔燕山啓夢符化人先正已祈福為民敷疾
殆申遺命憂深示永圖傷心虞帝事煙雨暗蒼梧

又

奔走來羣辟哀推動百靈妖氛湮壁月霄漢殞軒星玉
几遺周訓粧奩泣漢庭近畿遵薄葬神意想來寧

又

身尊恒率禮名正更持謙
椒掖坤儀正天庭母訓嚴
鴻名登玉簡遺像入霜鱣
異日朝陵處應須啓鏡奩

又

寬和能待物凝密勸行仁
道德持三寶恩私逮四民
兩朝隆漢禮十亂冠周臣
一旦仙遊去空餘四海春

又

心知為善樂敬傳又尊師
國化濯衣儉民歌賜約慈
誦經虛玉案奉佛冷金彝
遺旨無窮恨風吹遍九疑

又

六綽辭秋殿元堂啓夜扉一朝藏壽器千載閱容衣懸
象軒星掩哀歌薤露稀松楸交隧道會有五雲飛

又

保阿成訓在閭闔令儀昭儉德高千古仁聲溢兩朝事
隨流水逝愁逐冷雲飄仙馭知何遠憑誰問沉寥

又

陰化毗乾造熙朝賴母臨功勳新女史德澤浹人心偃

月丰容閔軒星瑞彩沉笳聲哀不盡陵栢自森森

又

元勲施社稷茂德庇人民色養嗟中阻靈遊忽上賓侍
臣歌薤露神物護龍輜祔廟推尊諡千齡寶冊新

又

太姒敦周化塗山啓夏家尊名天比峻淑德日增華孝
享心何切仙遊望愈賒空餘遺令在攀慕極幽遐

又

天禍纏興慶幽堂掩后禕徽音知有嗣孝養痛長違夜
月空椒屋秋風冷玉衣遙瞻陵寢上慘淡暮雲飛

又

風急搖寒樹虹蜚薄太陰雲隨仙馭遠塵入綺簾深索
莫長秋外蕭條湘水潯聖情時悵望流汨滿宸襟

又

吉夢捫天後明禋配地時嬪虞彰淑慎生武極恩慈無
復金輿返空瞻畫翼馳蕭蕭松柏路長夜闕神儀

又

玉音昭懿行彤管列閔休今日歸陵寢何年返玉樓聖
心方盡孝鸞馭竟難留陵樹西風裏千秋萬古愁

又

羣生資茂育至德果難名憑几言猶在因山事已成西
風翻畫翼落日送銘旌羽衛歸來晚蕭蕭萬馬鳴

又

音容歸壽器管御玉衣閑聖孝空如慕慈顏痛莫攀雲

愁縈汴水霧慘鎖夷山悵望白楊路翟車竟不還

又

孫謀詒嗣聖內教輔先朝孝敬全終始勤勞繼夙宵民
災憂水沴邊患慮天驕大漸惟幾際猶思儉德昭

又

一紀成功著乘鸞上九天物生思德載聖慮想恩憐儉
素言猶在寬慈事有傳禁闈斜日晚空裊寶爐烟

又

飄飄成遠駕寂靜掩玄堂蕩蕩神功著巍巍聖業彰周
任揚溢美漢鄧藹餘芳末命丁寧意憂民不暫忘

又

褒讚存公議无慙六后名粧奩空有迹佩玉寂無聲祭
享升清廟哀號動聖情神靈陰有力保佑再昇平

又

蘋藻親三奠禕綸備六衣坤元方載物軒宿遽淪暉廟
貌嚴新祔神遊邈不歸白雲無處所長傍德陵飛

又

馮相方觀祲巫陽忽告災千秋臨寶殿一夕闕泉臺纒
紉悲長往靈輶輓不回昊天思罔極長使聖情哀

又

仙源周太子華裔漢徵君生聖休祥著憂民儉德勤姜
姬歸懿範光烈惡鴻勲輔就中興業飄然返白雲

又

蜃輅陳曩憲龜人獻吉占郊衢笳鼓咽羽衛甲兵嚴雲

氣迎鸞馭秋塵翳寶奩祝官揚至德簡冊發幽潛

又

月殿封鸞鑑風幃臥佩環百神來肅衛萬騎盡虛還雨
泣銘旌濕風淒總幄閑仙遊無覓處追慕慘宸顏

又

月暈驚虧薄川流駭沸騰夏勤終爽豫報施似無憑長
夜扃銀海愁雲慘玉繩聖心哀念切素幄每晨興

絕句

河上

築堰分泉脉開溝斷荻芽風期占月暈水信識桃花
早愛顏河麥晴憐喚雨鳩春隨挑菜侶月趁捕魚舟

雪中登真定閣

風月不如意寺樓高處吟城中十萬戶一雪太平心

連雪潮退

夕陽明島寺海氣入邊城潮落青魚出泥深白鳥行

郎山雜詠十首

天城

造化搏清氣秀出天城山青松伴僧老白雲如我閒

馬耳峯

房駟落人間入石露雙碧月明聞夜嘶驚落山頭石

仙人峯

世界幾微塵古今一昏曉笑謝區中緣獨立萬物表

摩雲峯

青山本無情白雲自來往身在浮雲中仰看浮雲上

獨冠峯

大壩難為兄小壩難為弟百里見主峯衆山皆迤邐

五芝峯

白雲如幽人出山本無期朝來抱幽石五峯成六芝

鬱秀峰

道人西澗來衣上南山雨心知石堂烟晴峯正堪數

泓雲泉

鵲鵲春雲滋巖溜滴泉乳獨留一泓碧去作人間雨

上龍門

南北兩石樓上下一靈鷲仰看蓮峯立忽見天門透

下龍門

亂峰排鳥道一水會龍門禹力不到處猶知滄海尊

奉命奏告山陵四首

祇命欵園陵倣裝事行役黃葉宿幾程青山館三日

其二

西山積翠氣空外摩青天飛筇不到處獨鳥衝寒煙

其三

山前紅樹合山頂白雲封山中有蘭若日暮聞疎鐘

其四

山月出來高林深鳥猶夢霜落人未知寒添覺深重

遊崆峒四絕

青龍洞

青龍不可見雲自洞中出為雨濟人間歸時杳無跡

仙人橋

絕澗初無路通仙忽有橋偶携青竹杖平步到雲霄

翠屏山

山作屏風樣其如空翠何不遮秋塞盡空障夕陽多

參雲亭

鳥語山更靜松聲風自寒不嫌雲氣濕來此凭闌干

滄水集卷六

欽定四庫全書

淦水集卷七

金趙秉文撰

律詩

春山詩意圖

何年身入畫圖傳似是三生孟浩然
詩句工夫驢背上
醉鄉田地酒旗邊
一川芳草綠堪染
夾路杏花紅欲燃
想見歸來泥樣醉
却如蘸水柳三眠

春日即事

支頤偶到野人家
摠把深心付物華
鳥毳餘情閑日月
花心深蠹半塵沙
游絲逆上風中柳
亂沫分屯水際楂
且共年光暫觀化
直須美酒送生涯

酷暑二首

林鴉開味忘飛騰
天地為爐萬象蒸
氷井湯塵幾千尺
塢鈴風闕十三層
夢魂正遶雲帆客
畫本閑臨雪麓僧
一枕雨窗惟靜勝
不須赤脚踏層氷

其二

石枕繩床夏簟藤慢膚終日厭敲蒸夢飛楚澤三千里
人在秦樓十二層松頂露涼時警鶴山房泉冷獨輸僧
人間膏火鑒城市世外清涼勝飲冰

棕扇

犀甲龍鱗倚半空
扞歸掌握自清風
山精附木鬚髯古
回禄煽炎尾鬣紅
何處青蠅千里外
向來白羽一揮中
水邊石上應須此
乞與文園病肺翁

三臺懷古

人道姦雄君似鬼，奸雄我道鬼。輸君身猶北，面魏基建
骨入西陵。漢鼎分貪與，郊金成舜禹。不知典午笑，桓文
清漳不洗前朝惡。日遶三臺送夕曛。

寄王學士

寄與雪溪王處士，年來多病復何如。浮雲世態紛紛變，
秋草人情日日疎。李白一盃人月影，鄭虔三絕畫詩書。
情知不得文章力，乞與黃華作隱居。

登友雲亭

友雲飛觀鬱崔嵬落木蕭蕭聽者哀
九日朱絃和鴈斷
開年黃菊費詩催
淮天雨露橙千里
梁地風烟酒一杯
此日此生人共醉
明年重健與誰來

除日二首

梅花無信報平安
又聽譙門畫角殘
荒郡人烟窮臘外
上方樓閣晚雲端
沉沉鳥沒天無盡
漠漠烟昏山更寒
日暮數峰猶帶雪
城頭霽色入欄干

其二

龍鍾三十九年春諱說新年似諱貧醉白名堂甘後進
小坡著號似前身自憐耐辱稱居士人笑無機是道人
斷送生涯一枝足不須長物擾天真

娛暉軒

古晉地形今日眼幾人亭榭幾人詩數州山水有窮處
萬古風烟無盡時天逐南帆秋雁遠峯遮西望夕陽遲
客來欲問忘歸意掛起僧軒君自知

馬頭山清居院

每逢佳處輒安跽及到清居半日慳
曉壁撼鐘雲離石
夜泉洗鉢月搖山人生能作幾時客
林下都無一箇閑
不信試看題壁字明朝多是馬頭還

松聲

飛廉作意怒髯龍萬壑千巖氣象雄
獨鶴夢中搖夜月
七弦微外寄秋風石壇醺罷支筇裏
天竺齋餘隱几中
想見紛紛吹子落山堂一枕耳偏聰

株里湛酒

乍坼香泥甕釀成一鞭先到日邊城
玻璃色映薔薇露
沈瀝光浮金菊英
偶脫中州先酒譜
賴傳後世以詩名
相如病渴焉能賦
久矣吾衰畏後生

連雲島望海

壯觀天東第一遊
曉披絕島寄冥搜
烟中熊岳隨潮沒
天際遼江入海流
地絕四維那辨樹
風來萬里忽通舟
我從析木西南境
回望中原四百州

庚申元日

一從禁苑別花塲
四度山城自作年
愁裏椒盤雙淚落
坐中歲酒幾人先
此心不動吾何敢
老去知非理固然
白髮无兒何足道
且收見在聞尊前

送張仲山

千山飛雪白皚皚
袖裏陰鞭送客來
鬚出冰霜年貌改
眼藏狐貉語音猜
風吹陰磴魚鱗卷
日曝陽坡龜兆開
北去人烟山店遠
且煨薪火煖離杯

和林卿錦波亭韵

使君興寄本脩然愛此澄波清且漣楊柳陰中黃鳥地
芙蓉香底白鷗天涼通簾幌風生座露浥琴尊月滿船
相見仙裾乘一葉恍疑太乙下雲邊

白霄雜興十首

白霄

黑山潢水解弓刀茅屋朝來聽伯勞萬里馬辭邊雪苦
一聲鴈拂朔雲高關山落日家何在詩酒春風氣尚豪
試上荒城望鄉國重來清鏡鑷霜毛

南園

塹水垣城斷往還
青林路轉疑幽關
百年樹腹通人過
四月花枝對酒閒
逸馬風牛春雨草
荒天老地夕陽山
金丸逐勝非吾事
心在歸鴻滅沒間

翠微軒

千里風烟棟宇間
地形西去接松關
尊前奚霅來朝地
雲外幽營不斷山
故壘蕪城人物換
斷霞落日古今閒
百年興廢人空老
水自東西鳥自還

鎮國寺

靈鷲飛來處處尊
緣雲細路絡城根
百年樓殿倚天末
萬井風烟當寺門
五月微涼清佛界
六時豪吹動祇園
四山放入無多力
乞與西南構一軒

七金山寺

剝簷篆額蠹渦涎
象教塵埃閱百年
殿棟猶題遼日月
圖經不載禹山川
荒碑盤屈蜿蜒古
壞壁參覃固象拳
想見當時崇奉日
無邊花雨散諸天

野香亭

半空欄檻倚雲根
暇日登臨付一罇
山上青蓮惟見捨
水邊綠樹定知邨
花枝低拂尋春騎
杜宇頻傷久客魂
過盡芳時游客少
一軒風雨送黃昏

靈感寺

徒河岸北白蓮東
法鼓驚飛碣石鴻
塔上風煙高鳥路
山頭雲雨化人宮
松林碍日蜂房冷
石砌堆沙蟻穴空
欲盡休公揮麈樂
髣髴對落花風

蘭若院

傳經蘭若歲時同
綉轂珠簾處處逢
花院鳥歸深殿磬
雨樓人散隔城鐘
長空淡淡吞平野
落日微微見遠峯
年去年來人自老
空餘壞衲掛長松

金河寺

何處人間六月秋
金河寺外水西頭
坐分游客青天暮
醉倒詩僊白玉舟
萬里南風雙老鬢
百年心事一沙鷗
王侯螻蟻俱塵土
一笑從來萬事休

趙園

佳木千章曲岍南此園閱世似飛禽
地幽花晚春兼夏山近嵐昏晴似陰
溪雨斷橋愁渡水樵風吹帽怯穿林
馬頭納納沙邊路霜葉濃時憶重尋

扈蹕萬寧宮五首

一聲清蹕九天開白日雷霆引仗來
花萼夾城通禁籞曲江兩岸盡樓臺
柳陰罅日迎雕輦荷氣分香入壽杯
遙想薰風臨水殿五絃聲裏阜民財

琵琶嶺

曉拂朱闌滿袖風
支頤吟望翠微中
薄雲漏日巖開碧
淺露離花澗滴紅
馬散平坡臨水聚
人來盤路到山窮
子雲老大無才思
懶賦長楊五柞宮

拂雲平

萬疊雲山最上頭
千官影裏侍宸遊
翠巖秀色來天地
黃嶺

疊翠巖
黃土嶺

嵐光上冕旒
帳殿影臨眠鹿地
簫韶聲入

射熊秋翠華
指日東巡狩
回望中原第一州

金蓮川

一色天蓮王色中離宮風月滿雲龍向來菡萏香銷盡
何許薔薇露染濃秋水明邊羅襪步夕陽低處紫金容
長楊獵罷回天仗萬燭煌煌下翠峰

五月牡丹應制

好事天公養露芽陽和趁及六龍車天香護日迎朱輦
國色留春待翠華穀雨曾霑青帝澤薰風又卷赤城霞
金鑾薦瑞休嗟晚猶是人間第一花

和王正之寄遠二首

人生會合少知音一榻高懸肯重尋
後日相逢應老大何時一笑共登臨
二年京國塵埃夢千里故人離別心
想見詩來愁襞紙倚闌清快北風襟

又

鍾鼎功名自有時如公才力不嫌遲
且尋彭澤籬邊菊莫賦元都觀裏詩
晝寢執經童子問春遊齋印吏人隨
懸知山縣無公事好續琴高第二碑

甲子元日大安早朝

闕角蒼龍轉斗杓
衣冠萬國大安朝
使臣未入分班立
殿陛將升按笏招
彩殿中間瞻北極
丹墀側畔聽簫韶
太初甲子天元朔
萬歲常瞻玉燭調

紅梨花應制

梁根日日費天工
眼底梅花夢不同
春色似憐啼夜雨
天恩特許醉東風
袖障翡翠餘輕碧
雪點胭脂暈小紅
漢主薤宮三十六
溶溶和氣月明中

轅門不寐

蕭蕭傳柝月三更
欹枕轅門聽鼓聲
戰馬不肥淮甸草
征人愁望歷陽城
兵戈荏苒音書絕
行李蕭條蠅虱生
早晚樓船下楊子
滿天風雨洗蠻荆

寄懷

不問山林與市朝
大都鵬鷃各逍遙
歸心老去投林鳥
壯志春來掛壁貂
聖處工夫惟易可
閑中日月以琴消
十年鏡裏功名事
白髮年來漸不饒

賦雪和張子野巡字韻

翰林風骨玉為神
天遣簷花送酒巡
侍從驂騑應白鳳
神仙官府不紅塵
懸知頰尾風流舊
不及鰲頭句法新
天上玉堂誰得見
風光袞袞筆頭昏

楊秘監畫高士過關圖

三生自是竹林遊
寫出荒寒意外愁
世事盡如翻著襪
人生剛笑倒騎牛
關山風雪詩千首
富貴豪華土一丘
獨有文章磨不得
至今圖畫想風流

重陽後雪寄馬柔克

朝來飛雪白糝糊城郭山川入畫圖一色乾坤還太素
萬家樓閣化清都狐裘貂帽將軍騎金帳羊羔太尉姝
何似吾家正清絕曉窗吟撚凍髭鬚

過代

金波曾醉鴈門州端有人間六月秋千古河山雄朔部
四時風月入南樓漢家戰伐雲千里唐李英雄土一丘
繫馬曲欄搔首望晚來閑殺釣魚舟

靜陽道中

路轉山腰步步迷
高林淺水下田谿
蕎花釀蜜蜂貪腹
栢葉儲香麝養臍
不覺困來尋短夢
偶逢佳處入新題
何時更到園林寺
看遍峯巒處處低

題郝運使榮歸堂

翰墨聲名四十年
歸來還作地行仙
柴桑問路陶元亮
洛社休官白樂天
拄杖扶兒還客拜
畫圖續老聽人傳
窮秋雨慘陂田出
想見騎驢興眇然

遊郟家澗二首

山崦人家半夕陽，倚牆爭看綺紅妝。
野泉自入它州界，古碣猶存舊姓鄉。
蛇出廟壩神古柳，牛尋沙澗憩柔桑。
蟬聲抵死摧歸騎，辜負庭陰一枕涼。

又

水際林間杖屨香，綸巾野服道家粧。
婦姑辮纓欣同社，翁仲扶筇不出鄉。
拜跪使君嗟老大，逢迎地主問耕桑。
今秋一飽天難必，且快新苗雨後涼。

題近侍局使聚扇

早朝攜入紫微宮
日用都歸掌握中
運動樞機真有道
卷藏懷袖不言功
宸庭永日更番暇
水殿微涼侍宴終
願以微軀奉清燕
仁聲宣布舜絃風

張清獻公慶八十壽

富貴康寧壽八旬
明時乞得自由身
官途班列聯三事
家法中朝第一人
疏傳未歸東海郡
白公獨享洛城春
籬金換得傳經業
留與玄成贄化鈞

上方

山近西臺易夕烟東臺占得夕陽偏貪看歸鳥過林隙
不覺奇峰墮眼前土竈夜燒松葉火石盆曉漱菊花泉
丹梯橫絕青山路勸子先參鳥道玄

題右丞畫荷蓀圖

杏花菖葉雨聲春甘作明時荷蓀身只道烏鴉猶父子
豈知蝼蟻亦君臣杖頭日月挑周器松下衣冠自舜民
好在丹青王右轄解迴枯槁入陶鈞

遊上清宮二首

霜葉蕭蕭覆井欄
朝元閣上玉筍寒
千年遼鶴歸華表
萬里宮車泣露盤
日上霧塵迷碧瓦
夜深月露洗荒壇
斷碑膾炙人何在
吏部而今不姓韓

又

暇日登臨近吹臺
夷門城下訪寒梅
鰲頭他日幾人在
樽酒而今一笑開
秋潦滲滲餘邨逕
出夕舂鳴處野禽來
醉歸扶路人爭看
知是詩仙闌苑迴

送月上人赴少林

隻臂伽黎不作難將心到處遣人安瓶離汴水秋風冷
錫入嵩峰夜月寒篋裏贈詩更雨曬囊中施鉢對風餐
心知擬就東林宿已向林梢薦剎竿

登定安閣

翬飛高閣迥凌虛中有盤盤一塔孤千里河山隨指顧
諸天日月逸彌虛神超罔象遺身世眼盡蒼茫一有無
便欲乘風遊汗漫幡然回首念南都

許州襄城縣進嘉禾合穎應制

襄城城下壤歌傳
驛奏嘉禾到日邊
穎合周王新雨露
畝分黃帝舊山川
太平氣象聯珠琲
明德馨香列豆籩
萬國和同歸帝治
古書願獻補遺篇

陳州進黃鸝鵲應制

隴鳥明時亦效祥
天教合侍赭袍黃
九重城裏駢鶯舌
百子池邊偕鵲裳
夜臂翠簾條脫帶
春籠珠殿荔枝香
紫宸朝退鳴梢遠
偷學山稱萬歲觴

寄陳正叔

渺渺西風去翼輕
霜林楓葉動秋聲
嵩邙競秀人多可
河洛爭流忌獨清
廣武山川留故壘
臯草木闕空城
憑高一掬英雄淚
付與窮途阮步兵

贈磨鏡李先生

自笑年來白髮公
丹砂不肯借顏紅
分無海上三山藥
來訪人間百歲翁
黃瀆何曾泥明月
青天原不碍冥鴻
何時相約丹元子
便欲因之乘曉風

記夢

六年京國髣塵黃一望家山一斷腸
病後始知謀退晚夢中猶記和詩忙
風來竹裏娟娟好水過花間冉冉香
夢句學道無成還自笑人生習氣果難忘

登天壽閣

人間赤日無處避天上雲居即寶坊
鳥飛無碍長空濶人意自生高閣涼
風來為作不請友午夢徑到無何鄉
黃昏索馬出門去猶望東華塵土黃

和劉雲卿

屏山歿後使人悲此外交親我與雷千里老懷何日寫
一生笑口幾回開心知契濶留陳土將復登臨上吹臺
目極天低雁迴處西風忽送好詩來

和種竹

君家種竹五七箇我亦近栽三數竿兩地平分風月破
大家留待雪霜看土膏生意葉猶卷客枕夢魂聲已寒
見此又思君子面何時相對倚欄干

寄元裕之

久雨新晴散痺頑一軒涼思坐中間
樹頭風寫無窮水
天末雲移不定山
宦味漸思生處樂
人生難得老來閒
紫芝眉宇何時見
誰與嵩山共往還

送宋飛卿二首

雄豪而妙秀而文不獨吾云人亦云
賀監早知仙李白
薛宣那得吏朱雲
秋風汴水傷今別
明月郊與子分
瘦李之髯雷希顏
隔存歿只愁詩壘不能軍

又

未能免俗聊從宦遙望孤雲憶舊廬
不樂徑歸真吏隱
得閑隨分寄僧居
關山牢落三年夢
行李蕭條一束書
想見蓮花峰下過
路人遙指倒騎驢

至日次劉雲卿韵

此生天地一陳人
百歲三分過二分
老去光陰空惜日
愁來世事獨看雲
靜中剝復觀消長
身外榮枯聽糾紛
猶有憂時心未已
卧聽兒誦戰場文

百五日獨遊西園

西園啓鑰起芳塵滿眼風光不屬春樓閣人非空似舊
谿山歲久那成真斷橋沒板橫斜艇古木欹垣碍去輪
老去搜詩厭彫斲晚風吹水白鱗鱗

題王摩詰畫明皇劍閣圖

劍閣森危隔錦官雲間棧路細盤盤天迴日馭長安遠
雨滴鈴聲蜀道難當日六軍同駐馬他時萬里獨回鑾
傷心凝碧池頭句有底功夫作畫看

和欽止河中即事

鵲鵲樓前一望時長河寂寞送斜暉
人歌人哭幾興廢
年去年來今是非
寒雨渭流人斷渡
秋風汾水雁來稀
千村萬落生烟靄
更許砧聲暮搗衣

弔袁用之

卜築中條四十秋
安排佳處近休休
隱居境為王官勝
仙伯名因少室留
架上殘書灰燼冷
囊中妙藥鬼神偷
傷心天柱峯頭月
曾照先生杖屨遊

古瓶蠟梅

石冷銅腥苦未清
瓦壺溫水照輕明
土花碧暈龍紋澁
燭淚痕踈雁字橫
未許功名歸鼎鼐
且容風月入瓶罍
嬌黃喚起昭陽夢
漢苑淒涼草棘生

雪意

門巷蕭條日易曛
豆楷灰欲落江雲
眼花淡淡初疑見
耳重蕭蕭竟不聞
便可一杯平體粟
不須六出點衣紋
慙慙急遣蓬萊使
探到梅花破幾分

栗

漁陽上谷晚風寒
秋入霜林栗玉乾
未拆樓欄封萬穀
乍分混沌出雙丸
賓朋宴罷煨秋熟
兒女燈前爆夜闌
千樹侯封等塵土
且隨園芋勸加餐

憶橙

悵望天涯驛騎塵
政須玉甲破芳新
可憐虛度梅梢月
無計相陪竹葉春
三日手香頻入夢
一年秋好不闕身
快須準備新詩句
倘有金苞贈故人

射虎

眼光百步透林寒抵死嗔人守九關只道草中藏白額
豈知世上有黃間纔聞父老愁三害倏見熊羆寢一斑
寄謝咸陽歎黃犬何如霜豹隱南山

冬至

天時人事不難量消盡羣陰又一陽千里家山憑夢到
數莖白髮為愁長老來度日惟經卷病後關心祇藥方
六十之年今過五不須苦死問行藏

菊二首

水冷雲疎木葉黃，遶籬目送雁南翔。
酒傾桑落林廬靜，秋入騷人齒頰香。
人惜後期霑雨露，天教晚節傲風霜。
憑誰寄語陶元亮，不為南山興自長。

又

西風吹葉靜千林，獨有幽香伴苦吟。
細葉宮槐舒碧皺，小花佛頂暈黃深。
誰憐細雨情何限，可忍清霜瘦不禁。
寄語兒曹莫輕折，重陽留待付孤斟。

九月十一日夜對月

無花無酒過重陽轉覺閑居興味長
明月豈隨人薄厚
黃花不逐世炎涼
閏年節晚初過雁
老境衾寒知有霜
清境喚回蝴蝶夢
起尋竹影據胡床

答趙慶之節使

故人別後定何如
春鴈來時忽寄書
壯歲從軍幾人在
老來分守五年餘
挂冠無計追弘景
撲被何時行魏舒
遙想西州賢父老
瓜疇閑伴故侯鋤

題劉萊州像

當年二老趙張儔

王脩然知府
焦明鏡運使

獨許先生第一流

異政曾聞山鬼伏
直聲須向古人求
從來走卒知司馬
到處兒童說細侯
惆悵當年舊游處
羊曇不肯過西州

九日會極目亭

孤亭高壓冷雲堆
九日登臨貫酒盃
魏國河山殘照在
梁王臺殿野花開
鷗從白水明邊沒
雁向青天盡處回
未必龍山如此會
座中三館盡英才

再和

秋興高於艷瀕堆秋光併入阮公盃
霜凋蒲劍三稜折
雨裂荷衣十字開
北雁遠浮梁水動南雲低抱楚天回
前年此日登高會
點檢唯無短李才

謂屏山死矣

過楊太尉墳

道旁古塚入荒榛
下馬摩挲漢八分
誰謂黃天無老眼
却令大鳥泣孤墳
獨攜一盞霜風酒
來酹三峯日暮雲
李杜就誅鉤黨起
可能天下獨傷君

過邠州二首

地靈物秀古稱雄前有汾陽後范公千古山川形勝地
兩朝人物畫圖中一家忠厚餘風化七月蠶桑詠女功
誰識聖賢遺意在忝離篇末繼豳風

又

遙看涇水遶城流下盡坡陀始見州歲暮簡書催出塞
天寒風雪送行輶坡田井井龜圖畫山路盤盤篆印繆
更欲殷勤訪陳迹夜深燈火伴牢愁

過慶陽

地形占得古金湯
感歎當時幾戰場
父子一家三范帥
功名異代兩汾陽
四山帶郭環天險
二水分流會女牆
想見公堂無一事
臨川閣上日飛觴

暮春得寒字

九十聊偷一日閑
三分春色二分闌
鄉關夢裏人空老
風雨夜來花更殘
乍坼甕泥糕酒熟
未開火禁粥餲寒
何時投劾歸田去
楊柳陰中把釣竿

秋雨

十月秋霖不出門
門前流水似江村
墻頭新竹大于母
砌下老桐今有孫
澤鴈背飛驚吹急
濠魚逆上避河渾
秋風未得乘槎便
擬控扶搖北海鷗

百塔

松林橫截東南野
蘭若斜連子午庄
平楚風烟開鄠社
斷碑歲月自隋唐
樓頭山入詩人座
砌下泉分衲子房
更欲秦川窮勝槩
却從高塢望雲陽

過石氏園

樂天故居

石氏園亭竹一園眼前勝事只心知
幽禽有語能留客
流水無情自入池
客裏歲華將盡日
梅邊春信獨來時
醉吟吟後無吟者
又得閑閑一首詩

上巳遊西園分韻得蘭字與楊禮部攜同院諸公
賦二首

相逢草草即盃盤
誰識吾曹箇裏歡
燕蹴簷花墮茵席
魚搖波日動欄干
無窮照影溪溪柳
不住吹香畹畹蘭

已屬清明連上巳更容飛蓋接鴛鸞

又

跨鳳騎麟玉筍班蹇驢不作杜陵酸已煩蠶紙書陳迹
更許仙舟泛碧瀾酒令致師嚴細柳詩朋鏖戰劇臯蘭
鰲頭却返瀛州去夢覺揚州鶴背寬

挽劉雲卿

人物于今歎渺然如君才德幾人全忠言唐灼初還闕
道學東萊不假年黃壤苦埋經世志青蠶未了讀書緣

西園誦唱空陳迹
汨灑南風裊素牋

楊尚書宮直雪作擬應制作詩某時在暇聞而和之

霰雪霏霏點玉英
玉堂鈴索悄寒生
也應天上多端葉
無賴人間有化城
兔苑因之賢者樂
羊羔加以聖之清
吾曹安預籌邊事
且及新年賀太平

其二

黃昏陡覺悄寒生
漏漉銅壺第幾更
未放六花齊苑樹

先留半月抹宮城一陶風俗還純素盡鎮乾坤入太清
應似上方觀下界放教雙眼一時明

二月見梅花

不應開處避嚴冬無賴春寒雪尚封縱使風霜欺爾瘦
可能桃李為君容
麗眉都尉嗟何晚飛騎將軍嘆不逢
畢竟榮枯無定在此花勸汝倒金鍾

春寒花較遲

嗟懷常恨負芳時及至春花雪尚滋榆莢半含椒粒色

柳條未變麴塵絲
牆陰更覺花開晚
水冷應知鴈到遲
慚愧蓬萊老仙伯
已迴和氣入新詩

殘梅

寒梅不作白頭新
相對依依似故人
要伴賓鴻并社燕
未隨流水與紅塵
空枝擬折猶堪嗅
殘蕊重看不厭頻
自是東皇催鼎食
無情風雨不關春

杏花

看傳微雨隔簾櫳
十載艤船不負公
愁見餘春紛雪白

且看初日眩霞紅
兩株副使鶯吟裏
一色新郎馬足中
投老安能知許事
一鞭農事趁春風

此近體字樣詩
非詩也悚愧

慶學士叔獻七袞壽二首

乞得閒身七十餘
知幾初不為鱸魚
胷中幸有平邊策
林下聊觀養性書
收拾雲山歸蠟屐
卷藏事業入籃輿
君王拊髀思頗牧
未許先生作隱居

又


小築龍潭德不孤
盧鴻新有草堂圖
四朝人物今誰在

二老風流與我俱把酒笑談猶解醉上山筋力不須扶
文章不逐年齡改能為開興作頌無

訪天寧周老

前致仕後

弊策羸童負束書清晨渺渺獨騎驢乍辭天上尚書履
來訪雲間大士居覽鏡年年非復我照溪處處得逢渠
從今莫訝經過數乞得閑身頗自如



滄水集卷七